



Broj: 27/03-11-444473/22
Sarajevo, 27.10.2022. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 4. Zakona o izvršavanju Budžeta Kantona Sarajevo za 2022. godinu („Službene novine Kantona Sarajevo“, broj 5/22), Odluke Vlade Kantona Sarajevo o usvajanju Programa utroška sredstava Ministarstva za nauku, visoko obrazovanje i mlade Kantona Sarajevo za 2022. godinu („Službene novine Kantona Sarajevo“ broj 16/22), ministrica za nauku, visoko obrazovanje i mlade, donosi

O D L U K U
O UVJETIMA, POSTUPKU I KRITERIJIMA ZA DODJELU STIPENDIJA ZA
STUDENTE UNIVERZITETA U SARAJEVU NA STUDIJSKIM PROGRAMIMA
DEFICITARNIH ZANIMANJA ZA DJELATNOST ODGOJA I OBRAZOVANJA U
STUDIJSKOJ 2022./2023. GODINI

I - OPĆE ODREDBE

Član 1.
(Predmet Odluke)

Ovom Odlukom utvrđuju se opći uvjeti, postupak i kriteriji za dodjelu stipendija Ministarstva za nauku, visoko obrazovanje i mlade Kantona Sarajevo (u daljnjem tekstu: Ministarstvo) za studente Univerziteta u Sarajevu na studijskim programima deficitarnih zanimanja za djelatnost odgoja i obrazovanja u studijskoj 2022./2023. godini te prava i obaveze korisnika stipendija.

Član 2.
(Naziv stipendije)

Naziv stipendije glasi: Stipendija Ministarstva za nauku, visoko obrazovanje i mlade Kantona Sarajevo za studente Univerziteta u Sarajevu na studijskim programima deficitarnih zanimanja za djelatnost odgoja i obrazovanja u studijskoj 2022./2023. godini (u nastavku teksta: **stipendija**).

Član 3.
(Sredstva za stipendije)

Sredstva za stipendije iz člana 1. ove odluke će se realizovati iz Budžeta Kantona Sarajevo za 2022. godinu, razdjel Ministarstvo nauku, visoko obrazovanje i mlade, sa pozicije 614200 subanalitika QAM001 - Tekući transferi pojedincima.

Član 4. **(Javni poziv)**

- (1) Dodjela stipendija Ministarstva će se realizirati putem javnog poziva.
- (2) Stipendije će biti dodijeljene za sljedeće studijske programe koji se realiziraju na Univerzitetu u Sarajevu:

I ciklus studija

- a) **Filozofski fakultet:** Njemački jezik i književnost i Njemački jezik i književnost i druga studijska grupa;
- b) **Pedagoški fakultet:** Predškolski odgoj i Kultura življenja i tehnički odgoj
- c) **Prirodno-matematički fakultet:** Fizika, Fizika u obrazovanju, Matematika – Nastavnički smjer, Matematika – Opći smjer, Matematika – Primijenjena matematika, Matematika i informatika – Nastavnički smjer.

II ciklus studija

- a) **Filozofski fakultet:** Njemački jezik i književnost – Opći/Nastavnički smjer;
 - b) **Pedagoški fakultet:** Predškolski odgoj i Kultura življenja i tehnički odgoj;
 - c) **Prirodno-matematički fakultet:** Fizika, Fizika u obrazovanju, Matematika – Opći (Teorijski) smjer, Primijenjena matematika, Matematika – Nastavnički smjer.
- (3) Javni poziv iz stava (1) ovog člana će biti objavljen na internet stranici Ministarstva i internet stranici Univerziteta u Sarajevu te jednim dnevnim novinama.

II – KRITERIJI ZA DODJELU STIPENDIJE

Član 5.

(Uslovi i kriteriji za dodjelu stipendije)

- (1) Pravo na stipendiju imaju student koji ispunjava sljedeće uslove :
 - a) da je državljanin Bosne i Hercegovine;
 - b) da je redovni student Univerziteta u Sarajevu nastavničkog studija iz člana 4 ove Odluke;
 - c) da u studijskoj 2022/2023. godini prvi put upisuje prvu, odnosno višu godinu studija na fakultetima Univerziteta u Sarajevu iz člana 4 ove Odluke
- (2) Pravo na podnošenje zahtjeva za dodjelu stipendija nema student:
 - a) koji je u radnom odnosu i obrazuje se uz rad;
 - b) koji pohađa doktorski studij.
- (3) Pod pojmom „student“, u smislu ovog programa Vlade Kantona Sarajevo, podrazumijeva se student koji pohađa redovni studij na Univerzitetu u Sarajevu (dodiplomski studij, diplomski studij te integrisani dodiplomski i diplomski studij).

Član 6.

(Izbor stipendiste)

- (1) Osnovni kriterij za dodjelu stipendije je:
 - a) za studente prve godine prvog ciklusa studija ili integrisanog studija, pozicija na konačnoj rang-listi kandidata koji su stekli pravo za upis na fakultet;
 - b) za studente prve godine drugog ciklusa studija, prosjek ocjena sa završne godine prvog ciklusa.
- (2) Najbolje rangirani aplikanti prema kriterijima iz stava (1) ovog člana ostvaruju pravo na dodjelu stipendije, a u skladu sa odobrenim sredstvima u Budžetu Kantona Sarajevo za 2022. godinu za ovu namjenu.
- (3) Proceduru i izbor kandidata provodi Komisija koju imenuje ministrica.
- (4) Komisija za svoj rad odgovara ministrici.
- (5) Komisija je dužna utvrditi i objaviti na internet stranici Ministarstva preliminarnu listu stipendista najkasnije u roku od 15 dana od dana zatvaranja javnog poziva.
- (6) Aplikant može podnijeti pisani prigovor ministrici za nauku, visoko obrazovanje i mlade Kantona Sarajevo na preliminarnu rang listu u roku od 7 dana od dana objavljivanja iste na web stranici Ministarstva.



(7) Odluka ministrice za nauku, visoko obrazovanje i mlade Kantona Sarajevo po izjavljenom prigovoru je konačna.

(8) Nakon donošenja odluke/a po prigovoru/ima, ministrica za nauku, visoko obrazovanje i mlade Kantona Sarajevo objavljuje odluku o utvrđivanju konačne rang-liste dobitnika sredstava na internet stranici Ministarstva sa naznačenim iznosom sredstava za svakog dobitnika.

Član 8.

(Ugovor)

(1) Međusobna prava i obaveze između Ministarstva i dobitnika sredstava uredit će se posebnim ugovorom.

(2) Studenti imaju rok od sedam dana od dana objave konačne rang-liste na internet stranici Ministarstva da prihvate uvjete stipendiranja potpisivanjem ugovora.

(3) Ukoliko student u navedenom roku ne potpiše ugovor, smatrat će se da ne prihvata stipendiju.

Član 9.

(Isplata sredstava)

Aplikantima koji ostvare pravo na stipendiju, Ministarstvo će doznačiti sredstva u skladu sa konačnom listom kandidata i utvrđenim iznosom sredstava za svakog kandidata.

Stipendije se isplaćuju jednokratno na broj žiro računa dobitnika stipendije.

Član 10.

(Stupanje na snagu)

Ova odluka stupa na snagu danom donošenja, a ista će biti objavljena na zvaničnoj internet stranici Ministarstva.



Pripremili:

Azra Ivazović, pomoćnica za visoko obrazovanje

Azemina Njuhović, pomoćnica za nauku

Nihad Šeta, pomoćnik za finansijsko-računovodstvene poslove



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

3/3

